



Rohani pada majlis perasmian MOST di ibu negara, malam tadi.

## MOST komited capai Agenda 2030

➔ Sembilan perkara dipersetujui bina masyarakat inklusif, memperkasa wanita serta inovasi sosial

Oleh Aliff Ashraf Fadzilah  
bhnews@bh.com.my

► Kuala Lumpur

**F**orum Pertama Program Pengurusan Transformasi Sosial (MOST) Peringkat Menteri bagi rantau Asia Pasifik, mencapai persetujuan terhadap sembilan perkara, yang digambarkan sebagai lambang kesepakatan dalam kalangan negara anggotanya.

Forum dua hari itu yang berakhir semalam, jelas menunjukkan negara anggota komited untuk mencapai Agenda 2030, yang memfokuskan agenda pembangunan mapan dalam membina masyarakat inklusif, yang memperkasakan wanita serta inovasi sosial. Antara objektif berkenaan ter-



KEMENTERIAN PEMBANGUNAN WANITA, KELUARGA DAN MASYARAKAT



PERTUBUHAN PENDIDIKAN, SAINTIFIK & KERJAJAYAAN PBB



PROGRAM TRANSFORMASI PENGURUSAN SOSIAL

masuk merealisasikan projek penyelidikan serantau dalam pembangunan wanita di bawah Pertubuhan Pendidikan, Kebudayaan dan Sainifik Pertubuhan Bangsa-Bangsa Bersatu (UNESCO), kepentingan sokongan bagi penyelidikan dan serantau dalam MOST serta menggalakkan negara anggota mempertimbangkan penganjuran forum sama bagi kali kedua.

Menteri Pembangunan Wanita,

Keluarga dan Masyarakat, Datuk Seri Rohani Abdul Karim, berkata sembilan perkara itu akan diusulkan kepada kerajaan 75 negara anggota dengan sokongan dan bimbingan daripada MOST.

### Pelajari polisi kerajaan

Beliau berkata, menerusi forum itu juga, semua negara anggota saling mempelajari antara satu sama lain mengenai polisi yang di-

laksanakan kerajaan masing-masing dan boleh diterap mengikut kesesuaian.

"Kerajaan Malaysia menunjukkan sokongan terhadap inisiatif MOST ini apabila Perdana Menteri, Datuk Seri Najib Razak, turut menyampaikan ucapan tahniah kepada kementerianya terhadap kejayaan penganjuran forum itu.

"Perhatian Perdana Menteri terhadap forum ini, menunjukkan beliau prihatin dan menyokong usaha melaksanakan transformasi sosial di rantau ini," katanya.

MOST adalah program di bawah UNESCO bertujuan merancang, menyelaras, serta melaksanakan program dan aktiviti UNESCO yang berkaitan bidang sains sosial, inklusiviti dan kesaksamaan jantina.